



PERDANA
LEADERSHIP
FOUNDATION
YAYASAN
KEPIMPINAN
PERDANA

PERDANA LIBRARY
PERDANA LEADERSHIP FOUNDATION
NEWSPAPER CLIPPING

Newspaper	Berita Harian
Date	28/8/2014



Sejak dulu Dr Mahathir tidak suka pakai baju sedondon dengan Dr Siti Hasmah.

(BH-28/8/14)

Tun M tak suka baju raya sedondon

Bagi Dr Siti Hasmah kemeriahan menyambut hari raya bermula pada 27 malam terakhir berpuasa amat dinantikan dan ia menjadi antara nostalgia tidak boleh dilupakannya.

Antara aktiviti dilakukan ialah memasang lampu minyak pada tiang dan pagar rumah.

"Lazimnya, pada awal dan hari akhir Ramadan, semua termasuk anak menantu berkumpul di rumah. Apabila raya pula, balik saja dari masjid kami berkumpul di rumah, bermaafan dan bagi duit raya," katanya.

Berasal dari Selangor, Dr Siti Hasmah berkata, hidangan hari raya biasanya ketupat atau nasi tekan (nasi himpit) dan lemang.

"Ketupat itu kami sekeluarga anyam sendiri. Ikat dalam bilangan lima-lima dan rebus. Apabila siap masak, ia akan digantung. Kerja ini biasanya dilakukan oleh

orang perempuan. Lelaki biasanya mengacau dodol dan wajik.

"Dulu semua gotong-royong buat sendiri di rumah. Kuih bangkit dan kuih sepi, semua buat sendiri. Emak saya dulu rajin dan pandai buat kuih. Saya pula tidak pandai buat kuih, tetapi biasanya turut membantu bersama adik-beradik lain. Sambut raya dulu sekejap saja, dua atau tiga hari berbanding sekarang sepanjang sebulan," katanya.

Gemar baju kurung

Bercerita pakaian hari raya, Dr Siti Hasmah berkata, dulu beliau suka pakai kebaya, tetapi sekarang ini lebih gemar pakai baju kurung dan kurung Kedah.

"Sudah lama menyambut raya, baju pun banyak. Masa kecil dulu pakai sampai lusuh, tetapi sekarang tidaklah macam itu. Selain tempah sendiri, saya juga dapat banyak hadiah pemberian orang

ramai, malah tukang jahit pun menghadihkan baju raya," katanya.

Akui Dr Siti Hasmah, mempunyai koleksi baju yang banyak kini satu masalah untuk menyimpannya. Justeru, mana yang tidak boleh dipakai lagi beliau lebih senang memberikannya kepada sesiapa yang mahu.

"Kalau tak buat macam itu, rumah mesti penuh. Anak-anak pun bukan pakai sangat, kalau dia ambil pun untuk buat sebagai hadiah cendera mata," katanya.

Dr Siti Hasmah berkata, jarang sekali sambutan raya menggunakan tema warna.

"Tun (Dr Mahathir) tak suka warna tema atau sedondon. Dia kata nanti nampak macam pengantin. Kalau nampak kami pakai sedondon bukannya atas sebab dirancang, selalunya tidak sengaja," katanya.